

BOSNA I HERCEGOVINA
Federacija Bosne i Hercegovine
TUZLANSKI KANTON
Kantonalni štab civilne zaštite
Broj: 02/24-40-1Z/20
Datum: 26.03.2020. godine

Na osnovu člana 108. Zakona o zaštiti i spašavanju ljudi i materijalnih dobara od prirodnih i drugih nesreća (Sl. novine FBiH, broj 39/03, 22/06 i 43/10), Kantonalni štab civilne zaštite Tuzlanskog kantona, na vanrednoj sjednici održanoj dana 26.03.2020. godine, na prijedlog Kriznog štaba Ministarstva zdravstva Tuzlanskog kantona, donosi slijedeći

ZAKLJUČAK


I

Usvaja se Procedura o kontroli samoizolacije, koju je predložio Krizni štab Ministarstva zdravstva Tuzlanskog kantona.

II

Procedura se dostavlja gradskim/općinskim štabovima civilne zaštite.

Kantonalni štab civilne zaštite preporučuje gradskim/općinskim štabovima civilne zaštite da procijene da li će se procedura provoditi putem štabova mjesnih zajednica.



KOMANDANT KŠCZ
Mustafa Šakić
Mustafa Šakić

Procedura o kontroli samoizolacije

I

Ovom procedurom definiše se način kontrole pridržavanja samoizolacije osoba kojima je ista određena.

II

Gradski/općinski krizni štabovi će dostaviti mjesnim kriznim štabovima ažurirane spiskove osoba kojima je određena samoizolacija svakim danom, a koje će preuzimati od HES Domova zdravlja.

Spiskovi će sadržavati: ime i prezime, adresu i brojeve telefona osoba kojima je određena samoizolacija.

III

Kontrolu pridržavanja samoizolacije za osobe kojima je određena vršiti će krizni štab mjesne zajednice i savjesni građani volonteri koje angažuje krizni štab mjesne zajednice.

IV

Sredstvo kontrole će biti video poziv putem aplikacije Viber, Whatsapp ili Facebook, obzirom da velika većina populacije koristi ove aplikacije.

Licima koja ne koriste navedene aplikacije, uputiti telefonske pozive i povremeno slati u kontrolu policajce iz nadležne policijske stanice.

U skladu sa brojem lica za kontrolu i raspoloživim brojem osoba u kriznom štabu mjesne zajednice organizovati adekvatno angažovanje lica kako bi im posao bio manje zahtjevniji.

V

Termini pozivanja će biti u 9.00, 12.00, 15.00 i 17.00 sati, a adekvatna javljanja će se bilježiti kao potvrđna.

Ukoliko krizni štabovi mjesnih zajednica smatraju potrebnim, mogu mijenjati i prilagođavati termine poziva.

Prilikom prvog poziva ustanoviti način komuniciranja, obavijestiti samoizoliranog o sankcijama.

V

Ukoliko se samoizolirani ne javi na video ili telefonski poziv u bilo kojem terminu, osoba koja bude zadužena za pozivanje, dužna je odmah obavijestiti nadležnu policijsku stanicu ili općinski krizni štab, što će evidentirati na spisku za kontrolu.

Ukoliko pozivatelju iz mjesnog kriznog štaba bude sumnjiva okolina u kojoj se nalazi samoizolirani, dužan je odmah obavijestiti nadležnu policijsku stanicu.

VI

Na osnovu ove procedure krizni štabovi mjesnih zajednica će izraditi listu kontrolisanih lica, koju će na kraju dana valjano ovjeriti.

Navedenu ovjerenu listu će dostaviti gradskim/općinskim kriznim štabovima, koji će ih dalje objedinjene dostaviti Kriznom štabu Ministarstva zdravstva Tuzlanskog kantona, Kantonalnom štabu civilne zaštite i Upravi policije Ministarstva unutrašnjih poslova TK.

VII

Procedura stupa na snagu danom donošenja.

Za uvođenje ove procedure u krizne štabove mjesnih zajednica zadužuju se gradski/ općinski krizni štabovi, koji će snositi i troškove koji nastaju provođenjem ove proceduru.

Tuzla, 26.03.2020. godine

Kantonalni štab civilne zaštite

Komandant
Mustafa Šakić

